



JABATAN PERKHIDMATAN VETERINAR MALAYSIA

LAPORAN LIPUTAN MEDIA

KHAMIS, 22 JULAI 2021

1	PKP, kenaikan harga dedak ' bunuh ' sektor ternakan
2	Organ sembelihan lembu dibuang ke dalam tali air
3	38,850 pek daging korban diagih secara berperingkat

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

PKP, kenaikan harga dedak 'bunuh' sektor ternakan ayam

ALOR SETAR: Sektor ternakan ayam daging di negara ini akan lumpuh jika tempoh Perintah Kawalan Pergerakan (PKP) berterusan dalam jangka masa yang panjang.

Pengasas syarikat penternakan, pengeluaran dan pemprosesan ayam, Bismi Empire Sdn. Bhd. (Ayam Bismi), Jaffri Ahmad berkata, peniaga terbabit kerugian jutaan ringgit ekoran berlakunya lambakan dan peningkatan kos pengeluaran kerana faktor kenaikan harga dedak untuk makanan ayam.

Menurutnya, PKP mengakibatkan pasaran bahan mentah itu tidak menentu apabila operasi sektor makanan dihadkan untuk bungkus saja seperti restoran dan kedai makan, selain kantin sekolah dan institusi pengajian tinggi serta hotel terpaksa ditutup.

"Dalam tempoh PKP ini, kita rugi antara RM2 hingga RM4 ke atas setiap seekor ayam sehari. Dalam sehari sebanyak dua juta ayam yang ditenak, bayangkan berapa juta kerugian," katanya



JAFFRI Ahmad di salah sebuah ladang ternakan ayam bersepadu yang terdapat di Kedah. - UTUSAN/JAMLIAH ABDULLAH

kepada *Utusan Malaysia* di sini semalam.

Jaffri memberitahu, harga ayam ketika ini pula pada paras terendah berbanding dengan kos pengeluarannya.

Tambah beliau, kerugian itu diburukkan lagi dengan kenaikan harga dedak di pasaran sejak September tahun lepas yang menyumbang kepada peningkatan kos pengeluaran.

Organ sembelihan lembu dibuang ke dalam tali air

Penduduk Kampung Teluk Penyaman resah dibelenggu masalah bau busuk sejak tiga tahun lalu

Oleh ASYRAF MUHAMMAD

KUALA SELANGOR

Penduduk di sekitar Kampung Teluk Penyaman di sini resah apabila terpaksa berdepan masalah bau busuk di kawasan berkenaan terutama setiap kali menjelang musim perayaan.

Difahamkan, bau busuk itu berpunca daripada tindakan pihak tidak bertanggungjawab yang membuang sisa dan organ dalaman lembu di tali air berhampiran kawasan terbabit.

Ketua Kampung Kuantan, Quarol Hisham Rohmat berkata, penduduk setempat telah berdepan masalah itu sejak tiga tahun lalu, malah beberapa tindakan telah diambil sebelum ini bagi menangani isu berkenaan.



Sisa dan organ sembelihan lembu yang dibuang di tali air berhampiran kawasan Kampung Teluk Penyaman.



Jumarta penghafid digunakan untuk membersihkan sisa busung di tali air berkenaan.

"Setiap kali musim perayaan, isu ini pasti akan berlaku dan mengundang rasa tidak selesa kepada penduduk setempat."

"Walaupun penduduk telah mengambil beberapa langkah bagi mengatasi isu ini daripada berulang, si pelaku masih terlepas dan gagal berjaya dikesan," katanya kepada *Sinar Harian* pada Rabu.

Mengulas lanjut, Quarol berkata, tindakan pihak terbabit bukan sahaja mengundang masalah bau busuk, malah turut

mengakibatkan pencemaran air di kawasan terbabit.

Katanya, pelaku dipercayai dalam kalangan penduduk berhampiran kawasan itu berlatarkan beberapa petunjuk yang ditunjukkan di lokasi kejadian.

"Kami juga sudah membuat laporan polis selepas menemui beberapa petunjuk sebelum ini antaranya seperti nama syarikat pada gumi yang dibuang di lokasi terbabit."

"Malah laporan polis terkini dibuat pada semalam (Rabu) di Balai Polis Bestari Jaya," katanya.

Tambah Quarol, pihaknya juga telah memanjatkan isu itu kepada agensi berkaitan menerusi Laporan Bencana Selangor bagi membolehkan tindakan sewajarnya diambil kepada pelaku.

"Kami difahamkan polis sedang giat menyiasat kes ini dan berharap agar pelaku dapat dikenakan tindakan tegas," katanya.

38,850 pek daging korban diagih secara berperingkat 2/7

Putrajaya: Sebanyak 38,850 pek daging korban diagihkan 66 masjid dan surau di bawah Jabatan Agama Islam Wilayah Persekutuan (JAWI) bermula kelmarin hingga esok.

Agihan daging korban daripada 555 lembu itu dibuat menerusi Program Musaadah Perdana Ibadah Korban Wilayah Persekutuan 1442H/2021M.

Menteri di Jabatan Perdana Menteri (Hal Ehwal Agama), Datuk Dr Zulkifli Mohamad Al-Bakri, berkata program dilaksanakan dengan pematuhan prosedur operasi standard (SOP) ditetapkan bagi membendung penularan COVID-19.

Katanya, proses penyembelihan termasuk aktiviti lapah, memotong dan membungkus daging dilaksanakan di lapan rumah sembelihan Jabatan Perkhidmatan Veterinar dan Rumah Penyembelihan Ruminan Swasta yang dilesenkan atau ladang ternakan yang di-

luluskan oleh Jabatan Perkhidmatan Veterinar di sekitar Lembah Klang.

"Daging korban yang siap dibungkus akan diedarkan kepada penerima berdasarkan jadual penghantaran mengikut zon bermula hari raya pertama sehingga hari raya keempat (esok)," katanya di Facebooknya.

Program Musaadah Perdana Ibadah Korban sempena Aidiladha itu julung kali diadakan dengan kerjasama masjid dan surau di Wilayah Persekutuan.

Zulkifli berkata, sebanyak 15,540 pek akan diedarkan kepada fakir miskin, manakala selebihnya akan diagihkan kepada peserta korban, petugas barisan hadapan dan golongan yang memerlukan.

"Saya mengharapkan sumbangan ini dapat meringankan beban dan menggembirakan golongan yang memerlukan terutamanya dalam tempoh pandemik COVID-19," katanya.



Zulkifli memantau aktiviti melapah daging pada Program Musaadah Perdana Ibadah Korban Wilayah Persekutuan 1442H/2021M, semalam.

(Foto ihsan FB Zulkifli)